



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Enchiridion Sev Manvale Episcoporum Pro Decretis in  
Visitatione, & Synodo, de quacumque re condendis.**

**Gavanti, Bartolommeo**

**Venetiis, 1650**

cap. 13. De Habitu cleri.

**urn:nbn:de:hbz:466:1-9534**

- cessionis ante Synodalem sessionem . continet autem Hymnos , & Psalmos . exemplum illius dabimus infra 4. part. capitul. 4. numer. 3.
- 3 Tabella item exponit impressa , quæ continent capita orationis , loco citato numero 5.
- 4 Scrutinij alia post Præfectos eiusdem , ut infra , loco cit. num. 6.
- 5 Acclamationum si faciendæ sint , multa exempla debent edi pro maiori , vel minori numero cleri . vt in 4. p. cap. 11. num. 1. & 2. & hæc quinque Tabellæ præludari solent .
- 6 Aliz parantur manuscriptæ : cuiusmodi sunt: Formula professionis Fidei brevior ; Iuramentorum formulæ pro Examinatoribus , Testibus synodalibus , & Punctatoribus ; & hæc maiusculis exatantur characteribus , ut duo , vel tres simul eas legere queant ante Episcopum genuflexi . De quibus in quarta pars. cap. 5. toto .
- 7 Deinceps scribuntur in folio capita quedam orationis mentalis , à deputando cantanda , in fine cuiusque sessionis , ad formam , ut infra , describendam , in quarta parte cap. 10. toto . & hæc Tabellæ sufficiunt .

**D E C A T A L O G O C L E R I .**  
vocandi. Cap. XII.

- 1 **N**ecessarius est Catalogus eorum , qui ad Synodum Diœcesanam tenentur accedere , pro quo integrè confiando monendi sunt opportuno tempore Parochi , ut tam in Urbe , quam in Diœcesi quisq; transmittat ad Episcopum nomina eorum de Clero , qui in sua Parochia degunt . neque solum nomina , sed etiam cognomina , beneficiorum titulos , quos habent , & ordines sacros , imò etiam Doctoratus insignia quæ , & qualia habent .
- 2 Hilce datis relationibus , deputati debent duo vel tres , qui in ordinem redigant totius Cleri nomina , ut congruo quisque loco vocetur .
- 3 Ordo es erit , ut primo nominetur Clerus Cœnitatis , tum Diœcesis . In ciuitate Cleri ordo erit ; ut primo Dignitates , & Canonici Ecclesiae Cathedralis . cum beneficiatis , & capellaniis , qui eidem actu inseruiant , vel beneficij titulos ibidem habent : tum Clerici seminarij , & alij , qui Sacrificia ministrant . Tum vocentur Canonici , & Clerus singulareum Collegiatarum , ordine seruato digniorum Ecclesiistarum . Rectores parochiarum , hoc est , Præpositi , Archipresbyteri ( nisi hi præcedant illos ) Rectores , Vicarij perpetui ,
- Vicerectores amouibiles , Beneficiati simplices , Præsbyteri , Diaconi , & Subdiaconi , vbi est consuetudo , quod vocentur .
- 3 In Diœcesi hic erit ordo . Abbates , & Comendatarij primo , deinde Vicarij foranei , iuxta dignitatem ordinem , seu promotionis antiquioris : & sub quolibet Vicario vocetur totus eiusdem Clerus , ordine prædicto , hoc modo . Vicariatus loci N.
- 5 Si Collegiatæ ad sine in Diœcesi , vocentur autem Vicarios foraneos , ordine dignitatis Collegiatarum , & cum Canoniciis vocetur totus Clerus affectus Collegiatæ siue ratione beneficij , siue servitij .
- 6 Titulus cuique nominando præmitatur , & post cognomen addatur ( si ille est ) Doctor in Sacra Theologia vel I. V. titulus , & deinde beneficij .
- 7 Titulus Abbatum est . Perillustri , & multum Reuer. Dignitatum , & Canonicorum Cathedralis Ecclesie apud nonnullos est idem : in Provincia Mediolanensi Dignitatum est , multum R. D. Canonicorum vero , R. D. in Collegiatis Præpositus gaudet titulo R. D. & Canonic. R. N. quæ distinctione ratione est consona ?
- 8 Rectores animarum prænominantur omnes vocabulo , Venerabilis Presbyter N. Vicerectores amouibiles ( si Regularis sunt , Frater , vel D. n. N. ) vocantur , ut Sacerdotes alij , Præsbyter N. Diaconi , & Subdiaconi hoc modo : N. N. Diaconus , vel Subdiaconus . Clerici Beneficiati , N. Clericus beneficatus , S. N. Clerici seminarij N. N. nomine , & cognomine tantum . Hæc ex Actis Eccl. Mediolan.
- 9 Protonotarij Apostolici , si qui adsunt . titulo M. R. D. digni sunt . & additur in fine , I. V. D. & Protonot. Apostolicus .
- 10 Si quid erroris accidat in hac nominatione clerici , nemini sit iniuria . ex vi Decreti , de quo infra , initio Synodi euulgandi .
- 11 Ceteris paribus , inter æquales attenditur promocio ad Canoniciatum , Rectoriam , Beneficium , Ordinem Sacrum .
- 12 Accidere potest , ut idem vocetur sæpius ratione beneficiorum , quæ habet in pluribus locis , sed hoc nihil refert ; imò docet hoc modo eum nominari , ne beneficia Ecclesiistarum confundantur , quæ certum locum habere debent .

**D E H A B I T U C L E R I .**  
Cap. XIV.

- 1 **H**abitus Episcopi in Missa Synodali erit Pontificalis , & coloris rubei . si cele-

R. 2 brat

- brat solemniter, assumit omnia paramenta Pontificalia, usque ab pallium exclusue, si est Archiepiscopus, ex Cærem. Episcop. lib. 1. cap. 16. si assistit, conuenit, ut amictu, alba, cingulo, stola, pluinali, & mitra pretiosa induitus assistat Missæ, cum solitis Cæremonijs, eodem habitu semper aderit in selectionibus Synodalibus. Baculum vero pastorealem vel gestet, vel gestare faciat.
2. Dignitates, & Canonici parati adsint, ex Cærem. Episc. lib. 1. cap. 11. hoc est pluinalibus Dignitates; Planetis, & Dalmaticis Canonici Presbyteri, & Diaconi &c; si non sunt distinctæ præbenda, fiat tamen distinctio per paramenta. Congr. Rit. 15. Mart. 1608.
3. Coadiutores Canonicotum (quoniam & ipsi via cum Coadiutus interesse debent) aderunt cum habitu Canonicali ordinatio, non parati ad distinctionem.
4. Collegiatæ non mutant habitum in choro confuetum. Præfecti Collegiatatum in Provincia Mediol. ex Conc. Prou. V. vna cum Canonicis cathedralis pluinalia induunt, in Processione prima, & ultimâ ex auctoritate Conc. Prou. IV. Episc. Laudensis concessit pluinalis usum Præpositis non Collegiatum, & Vicariis foraneis, vt esset inter clerus, & clericum aliqua distinctio inter eundem. finita vero Processione exunt pluinalia.
5. Rectores Parochiarum capitulum gestant supra cottam multis in locis Neapol. stolam seu dignoscantur ab alijs, seruanda est locorum confuetudo.
6. Statuant Episcopi, quod ex pedite iudicauerint ad Actionis Synodalis splendorem, & maiestatem Ecclesiasticæ Hierarchiæ representandam.
7. Ordo vero sedendi in Synodo est ille, quem supra significauimus, tum capite 9. de apparatus num. 5. 6. 7. 10. tum capite 12. de catalogo Cleri. Urbanus enim Clerus hinc inde à tergo Canonicorum cathedralis sedere debet. Beneficiarij, seu mansionarij, & chloro cathedralis addiciti, inmediate in scamus post canonicos eiusdem, non quia digniores sint canonicos collegiatum, sed quia in servitio coniunctiores suis Canonici esse debent.
8. Collegiatum vero Canonici sedebunt hinc inde; totum collegium primum à dextris Episcopi, secundum à sinistris Episcopi, & si deinceps, & Prior collegij sedeat in sancto oblongo primus, proprius Episcopo.
9. Parochi à tergo collegiatarum, & alij de ciuitate post parochium.
10. Diœcesanus autem clerus sedebit in media

navi ante ficiem Episcopi, hinc inde, ita, ut in scamus anterioribus, & iuxta dextram Episcopi, digniores collegiatæ sedeant; Parochi à tergo collegiatarum, & alij à tergo Parochorum, ut supra diximus.

11. Vicarius Episcopi, si est Protonotarius, induat rochetum, & mantelletum. si non est, induat habitum, quem per Viagem defert, non pluiale.

12. Si Vicarius est canonicus, ad Missam, & Processionem, induitur, ut canonicus. Ad confessionem Synodalem, ut Vicarius.

**D E P R O C E S S I O N I B V S  
Synodalibus. Cap. XIV.**

1. **D**ux Procescio fieri solet, altera pro initio Synodi, quam significat cæmon. Episcop. loco citato; altera pro fine eiusdem, prout in Actis, Eccl. Mediol.

2. Pro prima varius est ordo. nam aliqui ante Missam, alij post Missam, Conc. Prou. Mediol. 2. eam præmittit Missæ statuat Episcopus, quicquid voluerit.

3. Solet à Vicario Generali fieri Edictum de hac prima processione, cuius exemplum dabitur in 4. parte cap. 6.

4. Decernenda est Ecclesia, ad quam eundum fit, & via, per quam eundum.

5. Item, qui Hymni, & Psalmi, dum iter, sint cantandi. quorum Tabella editur, ut diximus supra cap. 12. num. 2.

6. Præfetur vna tantum crux cathedralis Ecclesiæ, quam sequitur totus Clerus, ordine retrogrado, quo in Synodo sedent.

7. Dum iter, quisque Clerus parialis cantare debet Hymnos, & Psalmos; priore de illo clero primum inchoante Hymnum.

8. Hora est præscribenda Processionis prima, & euulganda ad valas Ecclesiæ.

9. Clerici deputandi sunt pro ordinanda Processione, quotquot erunt necessarij.

10. Ultima vero Processio fit intra ambitum Ecclesiæ, vel paulo extra, si multus est Clerus; & fit eodem modo, quo prima: sed cantatur Hymnus, Te Deum.

11. Si ad primam processionem Regulares, & Confratres conuenire solent, id fiat.

**De Horis Canonicijs, & Missis Synodalibus.  
Cap. X. V.**

1. **H**oræ canonice in Cathedrali dicuntur. Celerius; & ferè sine cantu, ne impe- diatur actio Synodalis.

2. Vespere cantantur alicubi à roto Clericis cantu Gregoriano, alternatim. ab Urba-